



Na osnovu člana 67., 69. i 71. Zakona o unutrašnjim poslovima Unsko-sanskog kantona („Službeni glasnik Unsko-sanskog kantona“ broj: 13/16) i člana 5. stav (1) Pravilnika o uvjetima za imenovanje i razrješenje članova Odbora za žalbe javnosti („Službeni glasnik Unsko-sanskog kantona“ broj: 1/17), Ministarstvo unutrašnjih poslova Unsko-sanskog kantona, r a s p i s u j e:

JAVNI KONKURS
za imenovanje Odbora za žalbe javnosti i to:

- 1. Predsjedavajućeg Odbora – izvršilac 1,**
- 2. Člana Odbora – izvršilaca 2.**

Kandidati za predsjedavajućeg i članove Odbora, uz prijavu sa kraćom biografijom, dužni su dostaviti original ili ovjerenu kopiju sljedeće dokumentacije:

- a) uvjerenje o državljanstvu Bosne i Hercegovine (ne starije od šest mjeseci),
- b) uvjerenje ili ovjerena izjava kod nadležnog organa da mu nije otpušten/na iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u razdoblju od 3 godine prije dana objave javnog konkursa,
- c) ovjerena izjava kod nadležnog organa da nije obuhvaćen/a odredbama člana IX Ustava Bosne i Hercegovine,
- d) uvjerenje ili ovjerena izjava kod nadležnog organa, kojom potvrđuje da nije član nekog drugog odbora ili tijela za žalbe građana u nekoj drugoj policijskoj agenciji ili instituciji,
- e) uvjerenje ili ovjerena izjava kod nadležnog organa, kojom potvrđuje da nije član bilo koje političke stranke,
- f) ovjerena izjava kod nadležnog organa da u posljednje četiri godine nije bio na bilo kojoj poziciji u političkoj stranci na bilo kojem nivou, niti je bio postavljen na bilo koju poziciju od strane političke stranke,
- g) uvjerenje da kandidat nije osuđen/a za krivično djelo,
- h) da se protiv kandidata/kinje ne vodi krivični postupak,
- i) uvjerenje ili ovjerena izjava kod nadležnog organa da mu nije izečena disciplinska sankcija za težu povredu službene dužnosti,
- j) ovjerena kopija diplome o visokoj stručnoj spremi pravnih ili drugih društvenih nauka (ovjerena kopija nostrificirane diplome, ukoliko fakultet nije završen u Bosni i Hercegovini),
- k) uvjerenje o radnom stažu nakon sticanja visoke školske spreme (za članove Odbora najmanje pet godina, a za predsjedavajućeg Odbora najmanje deset godina radnog iskustva na pravnim poslovima državnog službenika ili kao sudija ili tužilac.

Uvjete iz tačke e) i f) po službenoj dužnosti utvrđuje posebna komisija Ministarstva unutrašnjih poslova Unsko-sanskog kantona.

Odbor se imenuje na mandatni period od četiri godine. Prijave sa traženom dokumentacijom mogu se predati neposredno, putem Pisarnice Ministarstva unutrašnjih poslova Unsko-sanskog kantona ili putem pošte na adresu:

Ministarstvo unutrašnjih poslova Unsko-sanskog kantona

Ulica 502. Viteške brigade broj 2.

77000 Bihać

sa oznakom „za javni konkurs Odbor za žalbe javnosti – NE OTVARAJ“

Na prijavi navesti ime i prezime podnosioca prijave, mjesto i adresu stanovanja.

Rok za podnošenje prijave na Javni konkursa je 15 dana od dana objavljivanja u jednom dnevnom listu, kao i na web stranici Ministarstva i Skupštine Unsko-sanskog kantona.

Nepotpune, neuredne i neblagovremene prijave neće se uzimati u razmatranje.

Kandidatima koji ne budu izabrani, dokumentacija se neće vraćati osim na lični zahtjev kandidata.

Ministarstvo zadržava pravo izmjene ili poništenja Javnog konkursa.

MINISTAR

Ervin Bibanović, dipl.pravnik